



Selasa, 14 Agustus 2023

Ogen : Roma 12: 10



Mpehaga Teman



Salah sada cara guna membangun sada komunikasi si efektif e me salu mpehaga kalak sideban. Labo menjilat tapi mengapresiasi. Kerina kalak pasti ermeriah ukur adi ipuji ras ipehaga. Asum kita mpehaga ia erkiteken uisna, perhiasenna rsd, maka banci saja pe ia pegancih guna mpehaga kita. Em jilena adi radu ras mpehaga sada ras sidebanna.

Erti mpehaga e me mereken sada penghargaan, apresiasi, pujin ras komentar positif. Si tuhuna adi pergermetken, maka Moria arusna ipehaga, ija kita nge sinikapken kerinana perlengkapen perbulangen ras anak-anakta mulai medak erpagi-pagi tapi megati senyuman ras ucapen terimakasih jarang nge si aloken. Padahal si dua e saja pe nggo jadi sada kehagan man banta Moria.

Lit cara rukur si salah, maka itimaina lebe ndatken sada hal si mbelin maka banci nehken kehagan man kalak sideban. Padahal hal-hal si kitik si aloken kita arah kalak sideban tentu patut kita mpehaga ia.

Roma 12: 10 enda jadi sada pelajaran man banta maka sikap mpelebe dirinta i bas mpehaga teman merupakan sada perwujuden keleng ate. Kalak-kalak si tek man Tuhan arus erlajar guna mpehaga teman sebab labo nggo lit ras tersedia ibas sekalak jelma. Mpehaga teman arus ipelajari ras erlumba guna mereken kehagan man temanta. Piahna turah me pagi persadan si mpehagaken pekepar. Adi e nggo jadi sada kebiasaan maka tentu i bas persadan e nggo urak jungut-jungut, si la siperiahen ras si bekot-bekoten. Si teridah dungna eme senangna ras ulina adi kalak ersada perarih.

